

集部

欽定四庫全書 集部

詳校官編修臣裴 謙 中書臣劉源溥覆勘

校對官典等臣劉景岳 總校官進士臣楊懋珩 於緑監生 臣费元震

とこうとここと 仰拳文集 祖皇帝更名紫遂以開 大皆不仕而皆為善 ダ博工 明 於関者因家浦城 一部尚書魚謹身 王直

金以四母子書 殿大學士公幼聰悟絕倫喜讀書善講說當時大奇 物之施公輔之志朝之公卿大臣道建安者皆重之 事大父母父母盡孝敬處內外屬皆有禮弱冠已有濟 侍講 ) 庠生 選儒臣六七人寅內閣典詞命而公在馬陞脩撰 初易保終難朕常思保全之道 講太宗嘉其勤謂 |預鄉薦第 脩古今列女傅仁宗皇帝正儲位以公為諭徳 T 遂 取 曰 進士入 柳朝夕左右敬慎 翰林為編脩太宗 御亦宜謹厥終賜 解恒 BP

志學問命公魚職輔導永樂七年當從幸北京適開母 三千貫伴馳傳歸葬詔奪情起復皇長孫英春風成為 致定四庫全書 ] 喪又奪情以行時何福守甘肅言部長布哈等率東來 封福為寧遠侯且命過寧夏與寧陽侯陳懋飭邊務歸 歸詔公與福議所以處之者既還又命持節至額齊納 民休戚城堡虚實上悅陛右庶子侍講如故父卒賜鈔 命往甘肅視師及還規畫皆稱古且言其山川形勢軍 二品服上恢宏遠暑經營四方公獨以警敏勤於外營 护巷文法

邊患物豐城侯李彬討之命公往經界時草枯水凍士 要不飲酒食肉時哭泣不自勝因以羸悴上憐之車駕 将西寧侯宋疏言叛冠婁達家等依赤斤塔爾尼将為 既而仁宗令與諸皇孫講學學益進深見獎重甘肅守 還南京公乞歸終制不許許奔喪遣中官宋成護往來 者質不足歸而倍償衆賴以全公在軍事既繁劇以親 士之食公以為言上命供御之亂盡給之令軍中有餘 奏便宜十事上嘉納之從征北邊師至驢駒河而還 次定四事七 馬不可動公歸奏小聰無能為不足以動大軍遂止而 全陸翰林學士魚庶子益見親任朝臣有傾巧迎合為 成編又命廣與公總其事書成賜名五經四書性理大 足而兵精矣及還上以五經四書傳註之外先儒多所 兵之要公曰慎擇將帥力屯田訓練有方耕轉以時食 命學士胡廣及公科問即以經史進講又書問足食足 叛者亦復歸附師征衛拉持皇太孫侍行上既訓以武事 明且性理書及諸議論皆未有統會詔集儒臣類次 拆養文集

民窘於衣食割掠求活耳急之則益生變臣以為莫若 水関之政和有冠二千餘兵部請發兵制之公奏曰思 寧夏士勇遣實冠不能持久令去矣已而果然浙之麗 **闍學士魚翰林學士率夏報敵入冠上以問公公對曰** 招撫便從之果順服太宗屢北征公必在行軍中審務 御史楊言于廷中衆皆請罪詔原之而使釐正陛文淵 不許公又指言五府六部三法司積弊有十上命以授 公所抑者議欲間之會北京缺祭酒衆請以公任馬

多いプログ

**致定四庫全書 | 198** 賜公白金二百兩鈔二萬貫綠幣二十表裏陞嘉議大 命仁宗即位禮儀詔赦公與二三大臣計議條奏行之 整軍旅嚴號令而與中官海壽馳還報仁宗致大行遺 崩公與左右中責人奉敵如禮以去京尚遠戒勿發喪 車駕還至榆木川疾甚召公等受遺命傅位皇太子 如何公對回殿下孝友仁厚天下屬心名稱皇上付託 多命公掌之決機發策亦使恭預眷待與公侯等上當 語公曰東宮歴事久燗於政務朕歸悉以軍國事委之 护着支集

審録獄以不免上嘗閱翰林所作楊士奇及公等語醉 奉命唯謹又應法司濫 身殿大學士賜銀印一文曰繩怒糾繆且諭公曰朕於 夫太常卿仍魚前二職尋陞資善大夫太子少傳魚謹 朕實心公拜曰陛下聖徳之至臣豈敢不勉既而 務有缺則用此印密疏以聞至于再三慎勿惮 曰朕以卿自輔卿等知有未善皆當盡言親御翰墨 二語云勿謂崇髙而難入勿以有所從建而或怠曰 刑凡重罪者命公與諸大臣同 烠

改定四軍全書 · 光禄大夫今上即位待公益重而公謀國益盡心有大 老不欲煩以事命穀翰林之務惟朝夕在左右討論至 辭尚書不允仁宗前宣宗為皇太子在南京遺命徵還 白金綠幣等物特陸工部尚書前官如故三俸俱支公 理共寧邦家陸少傅階榮禄大夫又陷少師熟柱國階 嗣位公往迎於徳州由是益任公公亦益盡力高煦反 言太宗升遐時事多公為主之上嘉歎降勃與諭加賜 公力賛親征及累出巡追公皆徒久之念公等大臣且 柳卷文集

先卒以其弟繼亦封夫人子恭讓錫賜貴芳通上念公 敬又命中官往護喪歸建安葬事皆官給之夫人劉氏 而行至杭州卒年七十事開上嗟悼罷朝贈太師 **畢戒行已有疾或勘其且止公曰君命不可緩也挾醫** 夷亦納貢公乃請行上命中官與偕往且命公速來事 會有事西陲及西南夷不敢求去至是西師解嚴西南 事衆取決馬累朝眷遇恩賜之隆前後不可計雖元勲 世戚不過也然以久去墳墓常欲一 歸省而縻於職務

致定四庫全書 · 不已命恭為尚寶司丞公祇事列聖凡四十年未常去 天下者人皆傳誦之其於武事尤語練将士之勇怯饋 廷試讀卷者九其文施於國家與凡碑銘序記之散於 |廢稅當迫暮而後返初脩髙廟實録其後三朝史事皆 禁近每四鼓起俟朝雖風雨寒暑不變日親所事至或 問與籌第沿能適事宜體國之心老而彌寫嘉謀至計 運之難易邊都之利害道里之迁直靡不知故凡承顏 公與總裁犯載詳備實而不華京関鄉試典文衡者一 柳卷文集

竭心彈應不以險易禍福易意况經綸於外弼亮於內 故能視官事如家事知無不為為無不力公受恩四朝 者論曰古之君子之事上也必委身於國而不顧其私 造膝而言所以裨益於上惠利於下者盖多矣直從公 又有眾人所不能知者豈非古之君子與昔仲山南事 族朋友以及鄉黨州問則有公之行述與墓銘在此 天下國家者為公傳伴後有考馬若其德義之施於親 在翰林亦三十七年知公平生為詳故摭其事有関於

钦定四庫全書 陵再世徒古水後至名素乃徒居泰和曾祖景行仕元 累官以翰林待制致仕有傅在史祖公榮父子将皆 其身風夜匪懈以事一人令以公比之何有異哉何有 命仲山甫将之邦國若否仲山甫明之既明且哲以保 公楊氏字士奇其先華陰人南唐虞部府君輅始居廬 周出入中外所任者眾矣而皆能善其職詩曰肅肅 少師泰和楊公傳 M 柳卷文集

命吏部考第其文授以官又以公為第一 禮重馬都縣交舉為學官皆不就久之朝廷以博學徵 必由道年十五聚然為人師學行日益有聞縉紳君子 抄以讀海桑陳先生夫人世父也甚愛公早夜訓勵使 勞事然未嘗廢卷時喪亂雖平而苦無書四書五經皆 南六七歲告以世德之詳公即感奮力學雖甚貧親執 任而以文學行誼重於時公早孤母夫人陳氏教育之 入翰林任編纂共事者皆天下宿儒獨推公精博未幾 授親王府審

欽定四庫全書 一顾 學皆其公因奏曰二帝三王所以脩諸身施之家國天 忠勤不懈早夜孜孜以脩其職仁宗皇帝為皇太子又 義於上前覽畢上曰先儒謂堯典克明俊德章一 無左春坊左中允益見龍任文華殿當講大學公呈講 知爾文學親推置此爾但盡心勿自疑畏公感上知遇 改及公七人處其中典機容尋性侍講上當諭公曰朕 開內閣於東角門內命解縉黃淮胡廣胡儀楊禁金幼 理然猶執筆在翰林太宗皇帝即位遂推為編脩時方 抑卷文集 一部大

|韓文章正宗喜其有益於學者公曰德秀道學之儒志 臣非有所據豈敢妄出意見哉皇太子嘗閱真徳秀所 |六爻人人有用聖賢有聖賢用衆人有衆人用君有君 用臣有臣用無所不通王昭素皆為宋太祖言之矣講 暖說也曰與常人言亦舉此說乎公曰程子常言卦中 九四舉储貳為說皇太子疑其言問公公曰此宋儒胡

之際必以前古為證庶幾易入侍講學士王達講乾之

下皆大學之道上復曰孟子道性善言必稱堯舜講說

大きり見たら **秋之損之四夷公曰當盡燬所著書庶幾不誤後人廣** 曰開其人已七十燬書示做足矣上曰誇先賢毀正道 縉曰惑世誣民英甚於此至剛曰不罪之無以示做宜 至剛翰林學士解縉侍讀胡廣及公侍側上示以其書 洛開側之說上覽之怒曰此儒之賊也時禮部尚書李 倚卿為輔仰亦當留意也饒州未季友獻所著書作漁 知皇太子即取視且令翻刻以賜諸子亦以賜公曰予 識甚正其著大學行義尤有益於朝廷君臣皆不可不 柳巷文集

有作不然亦必不免今衆名雖具然受否未可知且物 眾皆作詩文贈之故有此既臣不與名者以當時病未 問故将以私交罪之公曰奇自都給事中受命赴廣時 著書焚之上復諭羣臣曰除惡不可不盡悉燬其所者 以遺廷臣或得其單目以進上閱視無公名乃獨召公 書最是廣東布政使徐奇朝京師載嶺南藤軍諸物将 治之可拘常例耶道行人押季友還饒州會布政司及 金以下人人人 府縣官與其鄉士人明諭其罪而笞以示罰悉索其所 1

林諸臣問之衆未及對公進曰臣觀賜病已數日但未 鬱感疾勉强奉職如平時忽以平告上疑其自盡召翰 坊左諭德魚侍講禮部尚書鄭賜為侍郎趙班所問憂 微甚當無他上意解命中官燬其目一無所問陛左春 敢即安昨晚同立右順門下賜忽仆地旁人怪賜無人 文色切丘 公馬 誤疑賜賜本君子顧才不足耳命工部與棺禮部往祭 氣臣遽命其屬官掖出午門外上聞公言曰微汝言發 之六年冬以巡行北京詔天下命公視草上稱善又命 柳卷文集

奏曰國家大體當用為言上喜公能服善曰樂從善言 自字公善之衆謂二義不相遠且上既稱善不必易公 金分四月百十 豈得不思但多思則惑惟當據理而行皇太子開而笑 與諸尚書觀之兵部尚書劉為私與公曰請以有字易 疑少斷常持两端曰事當熟慮不然必有後愛公曰事 太子監國上命蹇義金忠黃淮與公職輔導義於事多 則何有敗事由是益屬意於公明年車駕巡狩北京皇 曰此預魚智仁勇自令議事擇當理者從之不必多思

起之歌南薰之詩可見舜之志漢高祖大風歌唐太宗 致惑也然皇太子知公誠為惟公言是從或初若有疑 道殿下明經講道之服好意文事兩漢詔令最可觀非 武秋風之詞志氣已衰若隋煬帝陳後王皆淫靡不足 雪恥酬百王除完報千古之作所尚者霸力非王道漢 玉每以詩法進皇太子以問公公曰詩以言志明良喜 而終以見用由是少有闕失而上下安春坊賛善王汝 但文辭髙古亦可以裨益治道詩非所急也皇太子曰

文足四事主書 明

抑養文集

金はでんとうで 年上還南京 道悉具請編輯以備觀覽書成以進名曰周易大義九 新命公取未子本義養其要以進名周易直指公因進 主尤當辨於此皇太子喜讀易凡決疑必用着而以易 儒者亦作詩否公曰儒者固皆作詩然儒之品有爲 曰易固為卜筮作然文王周孔所繫辭凡脩齊治平之 有道徳之儒有經濟之儒專意詞章君子謂之俗儒 何如公以孝敬對上使言其實對曰凡有事宗廟祭 日退朝召公問曰爾輔東宫久其所 18 18 18 1 TO

欽定四庫全書 一四 将來必不負陛下付託之重上院十二年正旦日食先 過未嘗不知知之未嘗不速改又其存心以愛人為本 然公曰古聖賢亦皆盡其當然者且殿下天資馬或有 敢寧居恒日中是始食為還而後能安上回此子道當 用物皆躬閉封識遣行不輕信下人車駕北征殿下不 汗即不敢在祭左右請遣人代斥之曰上以命我我又 物祭器旨親閉去年將時享頭風作醫言當汗殿下回 可遣人代乎遂親祭祭畢汗遍體勿樂病自愈每進御 柳卷文集

|還京師欲發其事疑未決獨召公問曰昨問蹇義漢府 言是也遂免賀及宴十四年上在北京聞高煦有異志 仁宗深悔令誠宜免賀上曰君子愛人以徳士奇與智 契丹行之為中國羞後有人自契丹來言其國是日罷宴 正日食富獨請罷宴徹樂宰相吕夷簡不從獨曰萬 然同日宜免賀公對曰日食天變之大者宋仁宗時元 尚書召震曰日食與朝賀不同時當賀侍郎儀智曰終 数日上問禮部及翰林諸臣正旦日食百官行賀禮乎 淡定四車全書 · 該衛處之樂安州曰此去北京甚通即其作禍可朝發 其冠帶黎之西華門內東宫力救解乃免遂命削其兩 默然起還官後數日悉得其反狀及所為戰具大怒號 陛下善處之使早有定所全父子之恩為永世之利上 行令知將從都北京惟欲留守南京天下皆疑其心惟 與臣等言者但漢王始封國雲南不肯行改青州又不 事對曰不知若朕未有知爾革應有離問不敢言今朕 知矣爾言之何害公對曰臣與義事東宫外人無敢 柳卷文集

學問上命吏部翰林舉老成正大儒者侍講讀公與蹇 宸翰進上遂以與公公寶藏之至今存馬皇太孫勤於 足之遣鴻臚丞周昇持赴陵伊率行之少項昇援命以 片楮所書位次與公言合然下有六字未書授筆命公 孫又後亦居中諸皇孫與太孫同班而分列兩傍上出 言公對曰二王尊屬當分列在前東宮稍後居中皇太 孫及諸皇孫陪謁問翰林諸臣拜位當如何衆疑未有 而夕擒也是冬周王楚王來朝謁孝陵上命東宫皇太

義舉儀智衆以為老公曰儀智道理明執守正精神不 荣歸自行在以聞仁宗皇帝即道皇太孫往迎梓宫時 謂得人矣二十二年八月太宗皇帝北征上賓學士楊 廷大體能直言不阿向言无正日食宜免賀朕知之可 衰老成正大廷臣未見其比上聞之喜曰智雖老識朝 **識無以防偽上然之顧急未有所與以問公公言上所** 京兵皆隨征在外城中空虚浮議籍籍應趙府兵為變 因秘未發喪皇太孫辭行啓回出外有封章白事非印 たこりをこれ 抑養文集

人不應先及上初即位有認減冗費而惜新司准常例 事無大小皆當盡公此收人心之機也恩之所及必先 柳與蹇義當究心吾當重用柳二人也公回殿下嗣位 定浮議喧騰否令就以付之浮議何由與且曰朝廷事 就留之既而謂公曰卿言誠是昔大行臨御儲位久未 用東宫圖書今閒請暫假之行此一時之權歸即進納 扈從征行之臣漢文即位首進宋昌史書以為貶臣兩 上即取付太孫曰有啓事以此封識此物久當歸汝汝

金月四月全書

賦北京山東東八十萬斤為香炭之用公入奏曰詔下 とこううこう 數月令上於皇考可逐即吉乎震属聲曰朝廷事爾每 未禮部尚書召震言於上曰今喪服已踰二十七日請 胜此蓋急遽中答之不暇致審耳即命減其半九月癸 南二日而即有此雖云歲用得無過多上回數日事叢 如太祖做漢制易吉服上時未有答震退徧語羣臣明 |仁孝皇后崩太宗皇帝緣服後仍服素衣冠經帶者 一釋從吉公謂震曰今未可比此例益洪武中有遺詔 Į 印卷文集 支

易士奇所執是也公自左春坊大學士進禮部侍郎 惟學士武臣惟英國公如上所服罷朝上諭左右大臣 遂以開上亦未答明旦上素冠麻衣麻經出視朝文臣 執其尚書蹇義魚取二說明旦君臣皆素衣冠黑角带 華蓋殿大學士尋陞少保翰林以公等所授詩草進呈 而或怠顧謂公等曰此朕實心即其勉之公對回聖徳 上取筆親增二語曰勿謂崇髙而難入勿以有所從違 曰召震昨奏當易服朕聽臣下易之梓宫在殯吾豈思 d

多玩四牌全書

能容臣等敢不勉昔富獨有言願不以同異為喜怒不 審己散之軍伍尚餘數千請令朝親官領之少蘇民力 大三日戸 これす 賢任官令乃使養馬而課責與民同豈貴賢賤畜之意 虧罰與民同公謂慶不可慶忽不納公獨奏曰朝廷求 正官領壮馬佐貳官領北馬太僕苑馬寺成課其息有 羣有司皆朝京師兵部尚書李慶言於上曰民間畜馬 以古人為法性少傳階榮禄大夫時天下方面大臣及 以喜怒為用含成湯改過不吝所以為聖人顏陛下常 Ā 柳卷文集 ţ

李慶召震軍皆忽御朕念卿孤立恐為東所傷不欲因 爽也午刻上御思善門召公諭曰內批豈真忘之朕聞 亦無志學問此令之失非小上曰偶忘之當即批出不 視其奔逸號泣於道路臣恐將來遠應者非但不願仕 金吳四四百十 乎明日後奏曰必行此令天下賢者誰後首任益虧損 下後世乎上許出內批罷其事不報明日公又言兵部 馬必責賠償破家産累子孫朝廷何為負此名于天 )替朝親官領馬所領多生駒南人脆弱不能控制立

畜馬不便命公據此草勒止散馬公頓首言陛下知臣 柳言而能今有名矣出示一章乃陕西按察使陳智言 とこうし ここり 疏言前已議不用樂令仍用不可乞劫禮部設而不作 謂公曰縫今今有不便惟審與朕言李慶輩不識大體 官員乗馬例不責生息虧損不責償未領者止勿給後 臣不孤矣但馬已領者當何如上曰已領者惟洪武中 不用樂及鴻臚習儀仍用盖呂震主之公與黃淮等入 不足語也上以梓宮在殯命禮部尚書召震新正朝儀 1 中をした

皆三職卿獨二職人將謂何卿勿解公請解俸上曰卿 |六十石可養壮士六十人臣受二俸已過分安敢復 於朕勤勞二十年故酬以是禄何用解公曰尚書月俸 涯分尚書 |樂是臣以能直言為賢如用震言今悔何及洪熙元年 越三日上召公等諭之曰吕震母事誤朕仰等所奏停 正月命公魚兵部尚書公解曰臣為少傅大學士已谕 未報乃復進奏待廷中至夜漏下十刻遂有音如公言 職更不敢當上属色曰黄淮楊榮金幼

多定四库全書

虚名上回朕成卿志乃聴辭顧義曰厲介之風士奇有 尚書蹇義言宜聴解學士俸公言解禄當解厚何用取 曹以事忤古後已陞為湖廣按察副使矣及即位尚書 |馬於是黃淮亦辭户部尚書俸上監國時御史舒仲成 向來小人得罪者多陛下即位皆宥之令追理仲成即 蹇義因以他事奏仲成即命都察院建治之公上疏曰 ろこうと ここ 史建之上喜即罷治仲成賜公米及鈔幣且降初與諭 詔書不信漢景帝為太子召衛綰不赴即位進用館前 THE V 印卷文集

多定四年全書 固也公曰臣起自寒微令受恩瑜分豈可不知止足幸 版之臣也有卿如此朕復何憂洪熙元年二月上以田 仁在上臣復何爱遂聴辭明日詢蹇義曰士竒真能原 少延殘喘得更事陛下三二年獲全歸山林受賜厚矣 上曰汝勿憂終身吾送汝入土身後事皆勿憂公曰聖 誠資益良多朕心不忘卿前静禄令又解田何執之 頃賜公時蹇義先已受賜公怨辭上曰卿事朕表裏 柳漢朕以仁助朕以徳欲朕為唐虞之君誠忠良股

者上以示公及蹇義夏原吉楊崇義等回陛下即位所 **東食之人須再休息二三年庶幾人皆得所上笑曰朕** 恩澤已數但流徙尚有未歸瘡淚尚有未復遠近猶有 行皆仁政百姓無科斂徭役可謂治世矣公對曰陛 使仕者皆如此世豈有脏吏乎四月人有上書頌太平 とこうと 豈朝政果無闕生民果皆安乎卿華吾所倚任事有未 匡輔惟士奇曾上五章朕皆從所言卿三人未有一言 與柳草相與出自誠心去年各與繩愆糾繆圖書切望 1111 Ī 印養支集 え

賣直沽名上頑厭之公進曰謙雖林於大體盖亦感恩 激尚書召震具中都御史劉觀侍即具廷用等交奏其 當皆須直言勿有所隐大理少卿文謙数言事過於獨 韶求言言不當者不之罪令謙因言取咎朝臣皆以言 猶不懌因免讓朝而使視事如故公又進言曰陛下 圖報耳古人有言主里則臣直惟陛下容之上以衆 為戒且四方朝親之臣成在豈能盡知謹過失者傳 將謂朝廷不能容直言上楊然曰朕非惡謙言 有

多员四年全書

灰

欽定四軍全書 1 不易志及朕嗣位以來嘉謨嘉猷入告于內期予于治 國之命而卿侍左右同心合德徇國忘身屢歷艱虞曾 聖徳之實上念公臣輔之力賜公重書其界曰朕曆監 待熊如初令百官言事母以謙為戒由是天下晓然知 言所能諭當以聖書開諭可也上遂命公書勅引過而 以惠黎元正固無二簡在朕心兹以已意創製楊貞 事其言自有過實者卿可以朕心諭聚人公曰此非臣 校賜卿用藏于家傳之後世惟卿子孫由是知卿 柳苍文集

一年北士少以科目進者故怠情成風卿言良是往與禮 南北二字如當取百人則南六十北四十南北人才 逮南人公曰長才大器多出北方豈但南人有文可用 科舉之弊公回科舉須魚取南北士上回北人學問 入於用矣上曰北士得進則北方學者亦感發與起 上回然則将如何公回試卷例緘其姓名請於外書 朕之功以保全爾子孫與國成体永世無数上嘗論 致顯禁不易維艱思保守之惟朕子孫亦由是知卿 天已日月 公子 往見蹇夏反復言不可狀蹇夏曰即如公言當若何公 實與趙謀即是矣何患無詞公曰如此能服人心否乎 實天地鬼神其可欺哉令當以何為詞禁曰令逆黨言 矣上疑之以問楊榮榮力贊其決又語蹇義夏原吉二 來迎見上請乗勢移師彰德襲執趙王則朝廷永無憂 宣德元年髙煦反車駕親征罪人既得師還尚書陳山 部計議以開議定未上而宫車晏駕宣宗即位遂行之 依達其間禁遂傳旨令公草勃詰趙王公曰事當有 仰巷文集

|京師意大悟不復論彰徳事然言者猶喋喋上皆不聴 内俄復召蹇夏蹇夏以公言白之上不懌而止車駕還 汝不草勃則否當以聞時惟楊溥與公意合溥曰吾二 復見祭曰太宗皇帝惟三子令上惟二叔其有罪者不 金以で四百百 可恕無罪者當加厚庶幾仰慰皇祖之靈禁意未解曰 國體正矣二人曰上今特信祭言不係吾輩可否也公 曰朝廷重尊屬厚待之有疑則嚴防之當必無虞而於 '俱請入見明其大義荣先超入公二人繼之門者不

持召公曰論趙王者日益多當如何公對曰今日宗室 致定四年全書 一 往諭且示以衆言趙王得書喜曰吾生矣即獻護衛上 璽書諭之尤好遂遣廣平侯袁容都御史劉觀持勅書 思所以保全之道欲封奉言示之伴自處公曰更得 惟趙於陛下為最親當思保全之豈可惑奉言上曰吾 | 斥之既久召公諭曰吾待趙叔不失親親之禮爾有力 表謝恩而言者順息上待趙王日親厚而薄陳山竟疎 亦思之皇考於趙最友愛且吾惟此一叔奈何不愛今 抑養文集 Ŧ

|極矣此皆祖宗之亦子體祖宗之初心保祖宗之亦子 之心求之未得乃郡縣其地十數年來兵民困於交吐 中費数萬人命得此至今勞者未息困者未蘇因其請 而與之便公曰祭言當從初求立陳氏後者太宗皇帝 從之大臣有言此黎利之請當益發兵誅之或以為與 陳王嫡孫属表乞立為陳氏後詞甚懇切上亦厭兵欲 馬賜公白金文綺楮幣二年十月黎利道人進前安南 之無名徒示弱於天下上召公與楊榮謀之榮曰永樂

次定四軍全書 委棄逃徙者當量與減除部符坐徵買辦諸物不問其 官府但知督責而民不能輸官粮額重民因無聊多有 所知者當悉為朕言公回百姓積欠新弱及採買諸物 間有欠孳畜馬縣官責價甚急民苦之亦所當恤凡爾 寬恤之令獨召公議之上曰被灾之處稅粮首當免民 弱臣侍仁宗皇帝久聖心每憾此事有意外之慮額陛 正陛下盛德何謂無名漢棄珠厓前史以為美何謂示 下勿疑上意遂決五年二月上以四方屢有水旱欲下 柳卷文集 Ŧ

|宜命風意官巡察上稱善命即書勅明旦行之民大感 免老病無丁者除其籍其本非匠誣引為正者察實除 |莫顧未免怨歎當命官察治丁多者免其半單力者皆 之今軍民苦漕運而倉庾無関防姦盗相繼恬不畏法 師投於公者無幾受私役者十六七身既勞困而妻孥 飭法司敦用平恕務求實情四方工匠丁男皆徵集京 取之無者勿强也年來刑獄不清早療恐由於此宜戒 地有無 リンピア **縣促辦民費價十倍不能完唯當於產有處** 

欠己の巨心与 其征徭不顧歸者聽於所在附籍給以閒田為經營居 喪又有公通私債之擾所在官司不能恤則必逃聚 當寬恤者公曰逃移之民朝廷既赦使復業而家業盡 **勃寬恤心舉此為首如再格不行朕必罪之因問事之** 部格不行追徵如舊此循習之弊上艴然曰令欲再 悦七年二月上諭公曰憶前下令恤民令已再春民事 不又有可恤者乎公曰官田減租民間皆感聖恩而户 相結為非請下有司凡逃民領歸者郡縣善撫恤免 9 柳巷文集

皆納鈔惟湖廣廣西浙江商稅魚課舊皆納銀請裁為 益 上及布政按察為舉務取魚公端厚能為國為民者吏 以名開獎用之公又言方面及都守請令京官三品以 原有司貪暴請令風憲考察上回然若有應能者亦令 人安足矣公又言各處課程先因鈔法不行如倍徵納 處免徭役三年庶使得安上曰在彼在此皆吾民但得 例上命納銀一兩者折鈔百貫又言小民之不安旨 時權宜令鈔法頗通宜減倍徵之額又天下課程 11.35

金以近四月月

とこうらいこと 10 餘犯者子弟有文學才行並聽舉用公又奏臣見聞不 之世罰弗及嗣令極刑之家有賢子弟例不許追用上 部都察院翰林院同考試選擇而用之軍民中有文學 授官而有指告其罪者先逮問餘人有驗然後及之庶 曰舜殛縣用禹聖人至公之心也今除謀反大逆外其 部審其可用奏授以官後犯脏罪併坐舉者凡因保舉 才行卓然出衆智謀材勇精於武器者亦宜察舉唇虞 不為小人所誣年來吏員太冗多有昏愚不通請令六 仰拳文集

首言當整廟軍政筋邊防以真安內外南京根本之地 皆施行令上即位之初公倦倦以天下為心率其同列 江西去年早灾人民粮食愿有哺聚為非者宜委文武 祭賛軍務有事同議而後行庶幾無闕湖廣河南山東 雖有暴城伯李隆守備其老成忠直如尚書黃福宜令 天下上以胡淡謹厚命與公察議儿可行者悉以進事 大臣各一人往鎮之事定而歸縁追將士所以警備非 廣願命大臣謹厚者一 人共議之得推廣仁恩以編及

金 吳四母全書

基十一

· 貢馬有可充邊用者亦聽留官員冗濫宜從吏部及內 意凡事務從簡省宜令條奏事有應省者取自上裁認 文記司奉公馬 |治去年十月宣宗皇帝諭臣士帝曰明年春暖東宫出 一百如公等言公等又上疏曰皇上肇登寶位上繼列聖 外風憲官考察近詔寬恤軍民內外諸司當體朝廷之 文華殿讀書凡內外侍從俱用慎擇賢良應謹之人臣 常其無馬者宜令於行太僕寺死馬寺関用西番諸處 統萬邦必明堯舜禹湯文武之道以與唐虞三代之 柳卷文集

西山西山東河南北直隸之人往南方極邊補伍者兩 大夫柱國同知經筵事公又念今遣御史清軍有以陝 后遂語諭公等專以擇講臣為務尋陞少師特進光 之福實関於此疏奏上與太皇太后皆嘉納馬太皇太 心行已頗僻者皆宜屏遠使不得上惑聰明宗社生民 條奏唯在慎擇儒臣及左右侍御之臣其學術不正立 然此事至重伏望山陵畢日早開經筵以進聖學其所 謂此第一事望皇上留心不幸大行上賓臣未敢速言| 多いなのろろう 卷十一

清出山東山西河南陕西北直隸軍丁皆發甘肅寧夏 |溥商碓計議具疏而率同列上之且曰臣愚欲以令後 とこういくいい 多致死亡深為 改發不念下人之艱苦不思兵備之無實遂與少保楊 軍丁南北各就近衛服役之令兵部以文移繁勞惮 瘴癘且去鄉或萬里或七八千里道路既遠困於無資 廣四川貴州雲南江西福建湖廣浙江南直隸之人往 ,追補伍者其水土不相冒南人死於寒凍北人 可憫在祖宗時已有除逃軍仍舊其餘 印卷文集 死於

多定四年全書 也我太祖皇帝為意養民其於備荒皆有定制天下郡 ·竞荡之世不免水旱而竞荡之民不至甚病者有備故 縣悉出官鈔雜穀各於四鄉置倉貯之以時飲散又相 廣及邊海衛所待補足其缺又以填腹裏之空則兵備 廣江西福建浙江南直隸軍丁皆發四川雲南貴州兩 其地宜開浚陂塘脩築好岸開填以備水旱小大之民 有實下人不困上命公侯大臣議行之天下便馬又言 延安大同宣府永平遼東諸處雲南兩廣貴州四川湖  次足口声 在馬 |具奏罪之者巡歷所至不復問理聽其堂上官糾治庶 開若有灾之處則俟稔歲而後行郡縣官滿魚以此之 廢舉為殿最風憲官巡歷各務看考仍有欺弊怠廢者 各出庫物平雜儲以備荒陂塘閘堪皆令脩復具實奏 切請令户部擇道京官庶幹者往督有司凡豐稔州縣 漁殼盡倉毀凡諸水利亦多湮廢或被占奪稍遇凶灾 民無所賴風憲不舉守令漫不究心事雖若緩所緊甚 各安其業此萬世之利也歷歲既久姦弊日滋豪精侵 柳苍文集 テナ

察不至亦或實是徇私所司不行糾舉以致如此大 舉保自兹以後多得其人間有一二非人益緣舉主審 州正官多不得人百姓受害是以宣宗皇帝勅令大臣 楊溥議之公等上疏曰宣徳七年以前潘惠二司及府 出於下欲如洪武永樂故事皆令吏部選除上命公與 幾官有實積荒歲人民不至狼羽耕農無旱潦之虞仁 政所施無切於此上曰此祖宗之良法美意也命户部 多りとでん **亟行之時有言方面官及府州正官專用保舉即是恩** とうで 卷十一

ころうし ここ |審擇具名奏請聖意俞允然後授官不允即不得除授 疑也聖旨所諭保官則恩出於下切縁衆臣舉保吏部 都守縣令後來致天下斗米三錢之效明監在前可無 民之政者尚多保官乃第一事當時不聞人有異言多 時損益之宜宣宗皇帝臨御之時體祖宗之心以行仁 更改音堯舜禹湯文武及我朝祖宗相承為政皆有因 以得人為喜唐太宗力行仁義命在京三品以上官舉 宣宗皇帝求賢養民之心皆上體祖宗之心非是有所 ゆきて人

念用人質否生民休戚國家治忽所関是以竭誠盡言 ·謹畏不敢濫舉官必得人臣受四朝大恩惭無寸補 恩實非出於下也近年有等京官無人舉保造為誘語 |到灾四平全書 列上疏曰皇帝臨御以來凡百科徴一 行但所舉之人後有犯脏必須明正舉主之罪則人知 子日退天下何由治平伏望聖斷只依先皇帝勅旨而 聖明裁擇詔如公議五年公開四方雨澤不足率 欲隳埭光帝良法則小人皆得升用小人日進則君 切停罷官府逋 惟 其

賜之以勅分行天下審録重囚親詣州縣召集里老親 刑狱或未清欺聖心怪切惟在施仁慮恐理官奉行未 欠悉皆有免民生既安天体當應然令猶有旱灾者豈 一首為異同亦不感於利害惟以忠誠結主知而仁宗皇 決斷不得淹禁致傷人命兩京法司悉與疏理庶幾可 隣審問實情具奏處置不令有冤其輕罪有疑者即與 至乞令三法司精選其屬清厲仁厚公正無私者數人 以回天意從之公久在朝廷處有密之地言動以理不 印管文集

帝知公尤深由是太皇太后亦知公為人宣宗皇帝當 從卿言以不敗事嘗有小失甚悔不從卿言太后又謂 仰能持正言不避迁意議事之際先帝數不樂仰然能 |首任事不任事皆有議評言奏義重厚小心但多思少斷 名及行事甚熟太后悉能記憶其間才學熟優熟为熟 |諭公曰太皇太后為朕言皇考往年在宫中談柳等姓 皇太后吉命公等進見勞問慰勉加以厚賜既数日上 奉太皇太后往謁二陵公與蹇義楊榮等皆從上傳太

多定四庫全書

罪神明所舉賢才列於中外者五十餘人皆能正已恤 朕曰凡正直之言爾不可以為忤而不從謹之謹之公 萬世之心處之如有一毫出於私意不論厚薄皆當獲 非非悉徵諸實每語同列曰天下萬世之事當以天下 邪不悛者必正言其不可用三朝史事皆公總裁是是 人羣臣有雅踏毀而非奉者必盡誠為之伸解有恣貪 奉聖訓公處心公正論事必當大體常扶君子而抑小 對曰太皇太后之盛德仁宗皇帝之威德也願陛下常 

|欽定四庫全書 道德文章名天下集功業之威亦既顯於當時若君臣 籍尹昌隆之死言於仁皇皆與存後公東讓執虚未當 於東而信乃舉以此不得於公者怨詳忽與不恤也直 民蓋公取人必先德行而後才能無問識與不識博詢 自清溥利寫義壮老一心直書觀之宗歐陽文忠公以 道而行不為阿徇永樂宣徳中同列有讚公於上者皆 相得內外無間享其福禄祭名而久於其位蓋未之能 上明不聽公開之亦不為懷待其人如初寫故舊解 老十

次至日本公告 圖 受教為多而知公亦深公之細行皆可書當別有備載 之者姑取其事有關於天下國家之大者為之傳使後 **绿成書曰此列聖大徳所寫也何可忘哉直從公久其** 謂王之蓋臣也數公書以其進於上上之命於公者備 不言而言無不盡典冊制命皆出公手在位之臣事有 朝廷者四十餘年君明臣良志同道合軍國之務知無 也令公德行文學表然為四方之望議論政事施用於 可疑者一於公決馬若公者非書所謂商者成人詩所 柳卷文集 -+=

後亦以多故失之至貧堅子有宅一區圃数畦簿田幾 於其門而貴游子弟豪俠之徒負其所有邀嬉上下裘 居當郡城南門之街凡仕者冠蓋騙從呵擁出入相 百畝在泰和山中賴其利以自給無所求於人而其所 多いメヒック イコーマー 貧堅子廬陵忠節坊人也自其祖父時以質聞鄉里其 之史氏有考馬 相炫耀與馬相雄馬亦不絕於路花時月夕長筵廣 貧堅子傳 働

謂漠然無所暴其於朋友雖汎愛而獨善從賢士大夫 |日吾年則長矣而貧猶在也前四五年有子足任事令 視之乃予貧堅子也相慰勞久之問其年與其家事對 ·徒步將入山忽遇之於途速前執于手曰子豈忘我邪 堅子數訪予不獲見令年七月索租來泰和布袍草帽 也予當與處而別去者久矣去年予從京師還故鄉貧 遊唯恐不得當其意與之文則謹藏之自謂金玉不過 座笑歌而管絃不在東隣在西肆貧堅子處乎其中自

S. C. Land

**覽浮屠老子之宫及青原螺子諸山無不到遇清泉白** 就貧堅子驚喜絕倒以為奇至令能道之然予亦不自 呼大笑以為懼時其弟方結姻醉求予作書予援筆立 軍食豆羹相對不厭也一日大雪貧堅子沽酒飲于歌 知也方是時心壯氣銳視諸事皆若不足為惟酷好遊 五六時浪遊郡城中方以跡弛自奇貧堅子請止其家 忽記予所為文朗誦而起曰此非子所作邪憶予年十 已死矣予貧其有已乎邀予坐其故人家相與道舊故 

多定四库全書

益忘其貧而與予樂也於今二十餘年貧堅子将老矣 交正日日 Lan 日 |客沮作不能前而霸亦甚慙之霸之節幾變矣所以克 我為我傳之庶幾後世知有貧堅子也昔太原王霸貧 吾坚守吾貧而貧亦不吾棄庶幾有終始者子能不棄 則其意氣之威可知矣此豈以貧而累其心哉既又曰 而予齒益壮視前所為益已悔之貧坚子猶念之不忘 石長林茂树輒終日忘歸貧堅子在馬亦有自得之色 居以自樂不求人知有故人子擁騎造其門霸之子見

金以口見る言 爽不凡喜讀書善事父母及長治然有四方志挟其質 徒居分宜之白芒有宏正者為吉水主簿平葵其色之 終者其妻之助也士大夫晚節保守之難如此貧堅子 東池子孫因家吉水澄溪上於是為吉水人公自少閨 其慎之數貧堅子劉其姓士宏其名 以遊足跡幾周天下所至覽山川之竒友當時之才傑 公諱源字仲淵姓羅氏其先自錢塘從豫章又以宦遊 羅仲淵傳 

樂甲申上疏論便宜十事一以厚民生為本太宗皇帝 置之賓位問里有不平者多求直於公縣賴以少訟永 從江寧時年才五十以剛直為縣大夫所禮歲鄉飲必 子孫課價奴事耕稼日婆娑嬉遊其間洪武中以問右 名其山曰羅浮自號羅浮山人治齊置書延名師以教 葵祭無達禮哭之過時而哀所居谿南最勝又徒居之 落有大節姻族鄉黨之貧者期之有急則赴馬二親沒 而訪古人之遺跡及歸器益充智識益廣凡其所行為 )

|過年仁宗聞而是之即還其官然公無事足跡未當至 一 一 要 正 車 全 書 等白其事於朝皆應曰話已而憚不果從時仁宗皇帝 善其言江寧令王凱上元令魏鑑坐累緊御史獄公謂 在東宫公獨往白之章下御史御史以公一人舉為私 私安知累百人不為私邪反復數四不能難則折之曰 公曰顏所言何如耳果公雖一人何害若以一人舉為 爾謂其賢能何故有罪公曰人孰能無過所望者赦 一縣之老者曰二公皆賢能令以累去如民何請與公

2. -) ·氣及廷論王魏事尤則切壯哉乎其言卒能啓上聽釋 詩書禮義之訓君子謂公有家法云年七十三平於家 意通能遵其言當時號為良御史平居教子孫懇懇於 泰和王直回予少官京師當識公見公論事侃侃員直 及其巡按四川則又諭以寬猛相濟母負朝廷柔遠之 大夫寫詠以為樂或新去不各也年七十得謝歸故鄉 縣庭居京師江東門外有隙地皆種菊花時數與賢士 而所樂如馬孫通舉進士為御史每以應勤寬恕為訓 中をしま

多定四軍全書 |詩論切磋由是博通經史為文清麗典瞻思若決河 |武之門而老師碩儒如楊公望兄弟尤爱重之日相與 力學曾游清節書院受業於戴養高繼登陳心吾康宗 是以録之 如天也然如公者亦異可多得哉非古之遺直者欺予 疑累由上好直故下能盡言仁宗皇帝之德所以廣大 公歐陽氏諱銘字日新一字仲元泰和人也自少家貧 故臨淄知縣歐陽府君傳 神 南 ライ

即移文旁近凡江都民轉徒者皆還本土勞來安定出 內附歲乙已詔求賢才江西行省首薦公明年徵赴京 至正丙申以詩經中江西第十名而兵亂道阻不果北 於至誠其貧不能耕者勸富人假種粮貸牛具使力耕 公家徭赋處之各盡其道必使事集而民不擾於是流 |教授里中學者争師之我太祖皇帝定為金陵江西 江都縣丞兵荒之餘民死徒十七八問并蕭然公至 四歸色稍完復民有絕母告不孝者公察其貧不能 中をてる 手生

| 致定四庫全書 民不能得他縣皆大擾公命以所得白金俾民市諸京 也會部符徵漆使者督責甚急時照飲商旅未通紋於 隙地得白金百兩役夫以歸公公曰此天欲以行民力 養委曲開諭母子泣謝而去卒為慈孝之行當治解後 視耕種賞勤而戒情 不忍其去時臨淄亦新附荒残疲瘵公勞來安輔之 縣去江都江都人皆大感相與扶搞送至境上涕泣 而納馬居官有服即進諸生講先王之道或行田間 顾 縣戴之如父母甫二歲陞臨

可已乎即與學校築山川社稷擅與民從事於詩書俎 江都勸課農桑寬省徭役既一年稍給足公曰兵荒所 大江日月 八江 人入民家取酒不得相殿擊達動一市公出遇呵止之 將軍常遇春方客定郡縣之未附者過臨淄兵士十餘 豆之間民知公為已也皆於然從之初公來臨淄時副 知縣殿卒幾死且為將軍不敢士常公命摔公至訴之 以相仍者由民不知教神無所犯也令幸稍定二者其 不服因答道馬且往見將軍白之軍校先走告軍門曰 柳卷文集

亂益難治公無静平恕上下化服縣以無事洪武四年 禮自信國以下皆賢公所為臨淄古大縣俗喜夸許經 東無敢譯者後信國徐公往征沙漠道臨淄軍校有知 他有言言常公意解乃獨責軍士而釋公由是申嚴約 朝京師卒馬六月廿四日也年每十每公丰儀秀整水 死軍士顏不可答犯此軍士之過也知縣雖不賢其敢 公者曰是敢抗常公健吏也因相戒勿犯公亦迎送有 曰汝何敢爾公曰軍固王師民亦王民也民被殿擊幾

金以四月日

F

官時所行数事如此謹述為傳使後之人得以考覧馬 者今没已五十年一 清而玉潔其天性寬厚樂易有古仁人長者之風平生 一從先公瓊州府君游而直又與揚州進士趙禮為同年 さ. う. 吾泰和之賢歐陽名堅當官青州故從二三子得公在 公行事而恨不能詳維揚張彦剛豪俠人也謫居安慶 公之外孫當讀陶淵明所作外祖孟嘉傳而悲之欲記 不妄交游非儒紳君子不接也其仕與處言行多可紀 一時老長凋落巳盡知之者鮮矣直 印色之美

多定四年全書 農桑與教化去貪以利物禁暴以成民卒能反惡為善 擊斷為能媕婀姑息為高而治道微矣觀公之為縣力 兒寬皆以經術節吏事治效有足稱者其不然者苛刻 |替曰孔子曰君子學道則愛人故漢之董仲舒公孫弘 易弊為强非孔子所謂學道愛人之君子數然則雖以 方漢之諸公何過哉 四子字說 P 巻する 次足の早上 夫剛柔緩急之宜庶盡人道而可貴也和黑泰也可以 稷者欲其全仁義禮知之徳施於人倫日用之間而適 即人之四德陰陽以氣言剛柔其成質者也字積回希 稷種於秋飲於夏歷四時備陰陽數之貴者天之四時 物莫加也及冠則字積回布稷柜回布德稱回布誠榜 說以告之積者積本也百穀之所聚也而月令章句謂 日布敬而深有願望之意馬然慮其不思也故又為之 予四子名之曰積柜槙楊字皆從未以為本者養生之 柳卷文集

凡人居深遠之地鮮不縱恣以敗德然其惡終不可掩 始不誠無物是故君子誠之為貴字稹曰希誠者欲其 之通也及其紋藏也所謂利貞誠之後也誠者物之終 於生禍也複緻也密也齊也物之生遂者所謂无事誠 存是實理底能有是物也務亦未也又有深遠之義馬 脩徳庶可以受賜而奉祭既祭而飮亦有以將之不至 非德不足以受賜亦不足以奉祭字和曰希德者欲其 をいるにん とうか 為酒先王於有功德之臣則賜之和鬯以祭其先祖益 V 卷十一

とこうと 儒蓋數百年盛而衰衰而復报者無他守聖賢之訓而 徳也誠也敬也當各思其義也然誠者敬者進徳之本 字務曰希敬者欲其敬以自持而無愧於屋漏也稷也 可得哉稷也徳也誠也敬也當無盡其道也予家世業 館附安其身保其家奉先人之祭祀免於殆且辱馬其 則放僻邪侈之心生詭欺惡薄之行成而懿徳蕩然又 進而不已則能有其德之全苟於言動一有不誠不敬 何望至於全乎不能誠敬以進德而至於全而欲飽於 7:15 印卷之美

一到 玩四母全書 至於全非小子之所能也 也自治其可緩邪夫名於文從本未嘉殼也人之所恃 去予遠而教戒疎遂闕於自治令年巳十七不可謂小 予五子其長四皆命名與字而申其義矣其季名祠以 其次則謂之自暴自棄四子勉之毋曰誠敬以進德而 以為命也桐者威也名爾曰桐期爾之學行統備而足 巳古之學者必以聖賢為準而欲至馬苟遜其極而處 王桐希善字說 老十一 次足口車 年 畝終善且有此予取以命爾之意也詩又有之曰攸介 生治田之功至則未美而利博矣甫田之詩曰未易長 耕之陳義以種之講學以靜之本仁以聚之播樂以安 者記禮之君子譬人情為田而論其治之之道脩禮以 雖學核而儒業不廢爾欲為賢俊是宜魚盡其力也昔 攸止烝我髦士蓋畎畝之中賢俊出馬予家世業儒令 '始終弗怠而功效成然後食之則四體正庸華充盈 柳巷文集

以致用若未之長茂豊碩而足以恃也然未資於田以

一愛之深也故書以為字說爾能無忘予言哉 **厳敗不知行之邪僻不恤而期肥其身肥其家效用於** 之田者皆是也苗弗為於是與情農居與小人遊未之 國於天下而不為世所棄益難矣父子至親言之切者 云者豈獨禾之多有也哉天所賦之性嚮所謂治人情 而身肥父子為兄弟睦夫婦和而家肥用之於國於天 多りでんとう 卜蓋無不足者此經之所載爾不可不加之意也且善 家人卦說示子頑

家人之義略為爾誦馬家人之卦異上離下為風自火 之本立矣卦之六位有父子兄弟夫婦之象而自初至 也其象則曰君子以言有物而行有恒言慎行脩正家 出益風化形於外必自內始表回利女貞欲先正平內 予之有家誠難矣而治家尤難令爾頑任之故舉易卦 兄弟夫婦之位定而家道正矣治家不可以不嚴故以 五陰陽各當其位上雖陰位而陽居之然陽宜在上不 可謂不當也六位皆當是父子兄弟夫婦之位定父子

或有悔然家道肅而人心畏猶為一家之吉若婦子嘻 三居內卦之上為治內之主過剛不中其治家過嚴雖 **一肠爻為治家之主六二季中而居正位為主饋之婦六 戴無節必至於敗家而可羞矣上九曰有孚威如終吉** 則其悔乃亡九三曰家人鳴鳴悔厲吉婦子嘻嘻終吝 之初當立法以防關之不失尊早之序不亂男女之別 事其餘三爻足以為法矣初九曰問有家悔亡蓋治家 四異順而在髙位為主家之母九五雖陽剛然王者之 P

多吳四犀全書

嚴切無益也加嚴切矣而恩信不足以結其心且不自 能服人者故小象曰威如之吉反身之謂也觀於此治 父二)可与 1:11事 治其身則亦安能獲夫保家之吉哉複必無盡其道可 家之道得矣頑宜恪盡其心哉然始不能防閉而中加 是則終獲其古矣然不嚴治其身而獨加嚴於人未有 必有威嚴然後不相讀相乎則心親不相讀則分明 蓋家道既成而欲保之於久遠必有恩信然後能相乎 抑宣獨複諸子將更治其事當互講予言而交致其 柳庵文集

金只四月五十 勉庶幾有克家之譽而爾子孫亦將有賴馬 抑養文集卷十